

BAOFISIRI BA KHASTOM BA SARS BA TSHWERE MANAKA A TŠHUKUDU A BOLENG BJA GO FETA R23 MILLION

Pretoria, 10 Janaware 2019 – Baofisiri ba Khastom ba Ditirelo tša Motšhelo tša Afrika Borwa (SARS) ba tshwere morwalo wa manaka a tšhukudu a boleng bja go feta R23 million ka Boemafofane bja Ditšhabatšhaba bja OR Tambo (ORTIA) maabane.

Diripana tše 36 tša manaka a tšhukudu di hweditšwe ka morago ga ge “Lizzy” mpša ya sedupe e dupeletše morwalo wa go šupetšwa bjale ka ‘Dilo tša go kgabiša’ ka ntlophatlo. Baofisiri ba Khastom ba ile ba bula mapokisi a seswai ao a bego a momagantšwe ka sephuthedi sa dibudula. Manaka, a be a swanetše go ya Dubai, gomme e khutišitšwe ka fase ga dipapetla tša mapolanka tša go phuthelwa ka gare mapokisi ao a bego a tladitšwe ka mebeptse ya mabati le dilo tša go kgabiša.

Palomoka ya kimelo ya manaka e be ele 116kg, ya boleng bja R23 200 000.00. Boleng bja manaka a bja thekišo ya mebileng bo gononelwa go ba bja godimo kudu.

Tlhahlobo ya ntlophatlo ye e bile karolo ya lesolo la koketšo ya tiišetšo ya ditiragalo dithotong tša difofane tša go tšwa ka nageng, ka lebaka la dipego tša peleng tša gore manaka a tšhukudu, a setlogo sa Afrika Borwa, a hweditšwe ka Far East. Lesolo lele tšwelapele.

Ditirelo tša Maphodisa tša Afrika Borwa (SAPS) le ba Directorate for Priority Crime Investigations (HAWKS) ba ile ba tsebišwa, gomme molato wa bosenyi o ile wa ngwadišwa le SAPS, DPCI (HAWKS) bakeng sa dinyakišišo tša go iša pele.

